



UNIVERSITÄTS-
BIBLIOTHEK
PADERBORN

Universitätsbibliothek Paderborn

Heimat und Freundschaft

Bolhöfer, August

Detmold, 1918

11. Eune Reuse vo dertig Johnn int Siuerland.

urn:nbn:de:hbz:466:1-12793

Sui mol, wui künnt dui nau nich missen,
In vielen Saken steust diu boben an,
Dat ganze Untuig häst diu in der Fissen,
Un keuner es, deu feu votellen kann.

Von Schnaken, Pöppen un von Uisen
Vostohet deu annern Kerls feun Spier.
Muin leuwe Franz, eck lod' dui gruißen,
Kum haule wier!

11. Eune Reuse vo dertig Johrn int Siuerland.

Wat was dat froier vörn Ümmeßand,
Went heude, eck mot int Siuerland.
Dann nam man Affscheud vo lange Tuid,
Man weut nich, wann man sich wier suit.

Des Oms ümmer sieben, dann genkt in de Post,
Med 'n Buddel Schnaps un 'n grauden Wost,
Un olle Tasken vull van Braud,
Süß hunger man unnerweges daut.

No teuggen kam man an in Ruin,
Dann soll wal keuner wach mehr sein.
Un wense nich juste an Kodenspieln wörn,
Seut sich keune Minske feun noch hörn.

Do was et dann jümmer grauden Genuß
Anner Möhneborg buin Blasius.
Dor stönnen de Peer ganz ohne Ruck,
Un jender Reufende freig'n Schluck.

Dann genk et wuir, tweu Feude deup
Sag huir deu Schneu, deu Kutsfer schleup.
Up eummol blieden deu Peer stohn:
Wui wörn in deupen Graben rohn!

Dor holp keun fleuken un keun Schlohn,
Wui mössen teu Feude no Bruilen gohn.
Half dreue kam man edlik an,
Muin ganze Sieben denk eck dran.

Deu olle Kleumens reup: „Heer, seu sind schlaff!“
Un reis mui med 'n Strauwiske af.
„Seu, dat es geut vo Minsken un Peer,
Dokuilen deut seu sich niu nich mehr!“

Un Kleumens hadde Recht, an annern Morn,
Do was eck just os nuig geboren.
Un os eck dann bui Alley satt,
Do dacht eck: „Kummt her, wer well mui wat!“

Nui es dat Reusen jo garnicks mehr,
Medder Uisenbahn geut et hen un her,
Wat süs 'n Reuse vom Dagen gaf,
Dat maht man nui in paar Stunden af.

12. Lied van der „Nuigen Uisenbahn“.

Wat kümmt dor achter heer van Rhuin?
Dat mot wall wat Besonners sein.
Dat Dink dat süset dor jo her,
Gans ohne Minsken un ohne Peer!